

Mars. Luther.

Wittenberg

V *104*
2203 *00*

Bl. 2^e a. d. 3684^e v. p.
In Pommes stellen! Rom

20

1400

An Kurfürsten zu
Sachsen vnd Land-
grauen zu Hessen/
D. Mart. Luther von
dem gefangen H. zu
Brunswig.

Sampt den Lxiii.
vnd Lxxvi Psalmen / en
de bin an gesetzte.

Wittenberg.





L 2,3372



Den Durchleuchtig

sten/ Durchleuchtigen Hoch

geborenen Fürsten vnd Herrn / Herrn Joh

hans Fridrich/ Hertzogen zu Saehsen/ Des

heiligen Römischen Reichs Ertzmarshall/
vnd Kurfürsten/ Landgrauen in Dü-

ringen / Marggrauen zu Meiß-

sen/ vnd Burggrauen

zu Maddeburg.

Vnd Herrn Philips Landgrauen zu

Dessen/ Grauen zu Katzenelbogen / Siegens

haym / Dietz/ vnd Nida / Meinen

gnedigsten vnd gnedigen

Herrn.



Sttes gnad vnd

barmhertzigkeit in Chris

sto Ihesu/ vnserm WEL

KEN vnd Heiland /

vnd mein arm gebet / vnd

vnterthenige Dienst.

Gnedister vnd gne

diger Herren/ Ich bino

oft vermanet vnd gebeten von vielen auch

grossen Leuten / also das michs gleich seer

verwundert hat / Ich wolte vnd solte ewer

Kurfürstli. vnd Fürstlichen gnaden schrei-

A

ij

ben

ben / vermanen vnd bitten / das sie den gefan-
genen D. zu Brunswig / ja nicht widerumb
los lassen wolten / weil Gott selbs sonderlich
vnd wunderlich / seiner vnzelichen Tyranny
vnd wütereij ein mal gestenret . Denn sie sich
besorgen / wo er wider los solt werden / würde
das letzte erger / denn das erste. Sintemal kein
hoffnung da sey / das er sich solt besseren /
So wenig als der Cardinal zu Mentz sich ge-
bessert / sondern vngebusst vnd in seinen sün-
den gestorben / vnd ewiglich verdampft sein
mus / ist anders der Christlich glaube
recht.

Vnd ob gleich der D. zu Brunswig sich
stellen würde / als wolt er busen vnd seomer
werden / Dat er doch durch sein vorrige vner-
hörte Tyranny / beide trawen vnd glauben /
bey fromen Leuten verloren / Das man hin-
fart im nicht trawen wird noch kan . Sono-
dern allein darumb vieleich busse vnd besse-
rung fürwenden würde / das er widerumb zu
ehren / Land vnd Leure komen möchte /
Welchs gewislich nur falsche / fuchfische
busse sein würde / Wie die Schrift vns mit
worten vnd exempeln dergleichen viel leret.

Auff solche an mich gethane bitte / habe
ich bey mir am ersten gedacht / Was es not-
thet solche schrift zu schreiben / Nach dem frei-
lich vnd onzweifel / L. R. vnd S. G. als die
hoch

hochuerstendigen vnd durch viel erfahrung
wol gewitzigt / allerley gelegenheit / sonder
lich dieser sachen besser wissen / denn ich vnd
meins gleichen / bey sich selbs auff's vleissigst
bedencken würden / was für fahr / sorg vnd
vnlusts aus solcher des von Brunswig erles
digung entstehen würden / Auch viel fromer
hertzen seer betrübt / vnd dadurch jr gebet für
E. K. vnd F. G. gegen Gott mat vnd kald
wurde. Denn dieser Sieg der so gar leicht vnd
plötzlich / on grosse schlacht vnd blutvergiffen
komen / ist gewisslich durch hertzlich gebet
des glaubens / von Gott gegeben / der sie / wie
der lxxvj. Psalm singet / vom Himel herab / er
schreckt hat. Wie den seine weise ist zu krie
gen / mit Pharao / Sanherib / Benhadad /
Vnd auch mit worten zeigt Leuit. xxvj. Ich
wil euch ein verzagt hertz geben / Ein rau
schen blat sol sie erschrecken.

Aber dawider hat man mir furgehalten /
Ob E. K. vnd F. G. solchs vnd viel mehr
selbs wol wurde bedencken / So were den
noch ein trew vnterthenigs vermanen nicht
zu verachten. Angesehen / das E. K. vñ F. G.
wie zu vermuten / gar mit statlicher gewalli
ger für bit / berant / besturmet / versucht vnd
auff aller weise ersucht werden müssen. Denn
die freundschaft ist gros / als die das gantz
Deutschland vnd viel mehr begreiffet. Denn

A ij Brun

Brunswig der loblichen Fürsten heuser eines
ist / vnd noch heutiges tags viel seiner Christ-
licher loblicher Fürsten hat / welchen nicht
vbel anstehen wil / auch nicht zu verdencen
sein wollen / ob sie für iren Freund trewlich
vnd ernstlich bitten wurden / Wiewol ers
nicht verdienet noch werd ist / als der von
dem loblichen herrlichen Stam / zu mal ein
vngeraten / störrig / wilde / vngezogen zweig
ist / Sonderlich mit dem dienst des Gotzen
zu Rom / daruber er in grosser leisterung Got-
tes vnd andere böse thatten gefallen / vnd da-
für itzt seinen lohn anfehret zu kriegen . Dar-
rumb es wol nott sey / ewer Kurfürstliche vnd
Fürstliche gnaden zu vermanen fest vnd star-
cke zu bleiben / gegen solche starcke Sturm-
winde / die grossen vnd mechtigen schein der
billigkeit haben . Vnd bereit an gros bitten
von etlichen seinen Verwandten für in ge-
schicht / auch gegen Gott / das er seine sünde
erkenne / vnd wider zu Landen vnd Leuten
komen möchte . Aber ich sorge / sie beten nicht
recht / Davon itzt nicht zeit zu reden .

Ir sind / Gott lob / auch nicht steinerens
hertzen / odern eiserns gemüts . Ich gön-
ne niemands böses / Sonderlich sol ja kein
Christ einem andern den zorn Gottes wünda-
schen / auch dem Türcken vnd Juden / vnd
keinem Feinde nicht / Ja auch den Cardina-
len vnd

len vnd dem Papst nicht / Gottes zorn so
auch kein Teuffel dem andern fluchen / Es
ist zuviel / ewiger zorn . Dawider iderman
fur iderman ernstlich bitten sol / vnd ist schuld
dig also zu bitten . Gerne hette ich den Cardia
nal zu Mentz selig gesehen / Aber da war kein
hören / vnd ist also dahin gefaren / Gott behü
re alle Menschen fur solcher Fart / Amen .

Gleichwol müssen wir also lieben vnser
Feinde / also vergeben / also gnedig sein / das
die liebe vnd gnade nicht falsch sey / oder wir
vns nicht mit freumbder funde beladen / dar v
ber wir sampt dem so wir leben / zum Teuffel
faren . Ich wolte der gefangen von Brun
swig möchte König zu Franckreich / sein
Son König zu Engeland sein / was solte mir
solches schaden oder hindern ? Aber das ich
solt raten / in los zu geben / das kan ich nicht
thun / Er hat das vertrauen verloren . Weil
nu Gott in hat in seine straffe genommen / Wer
wil so küne sein vnd in heraus nemen ? ehe
denn da rechtshaffene busse vnd warhastige
besserung geschehe / vnd das vertrauen ges
pflantz vnd wol erkant werde / das Gott
versonet sey . Sonst würde es heißen / Gott
versuchen / Das ist nichz zu raten . Er ist von
vielen jaren her in steter böser vbung verderbt
damit den guten namen vnd das vertrauen
verloren . Darumb nicht vnbillich sich besors
den frome

gen frommer Leute/vnd jm nicht trawen kön-
nen/noch Gott versuchen wolten .

Vnd hie ist wol zu mercken / die geschichte
zwischen Ahab dem König Israel vnd
Benhadad dem Könige zu Syrien / Danon
man liest im ersten Buch von den Königen /
c. xx. Das Gott den König Benhadad gab in
des Königs Ahabs hand mit einer grossen
schlacht . Die wolt nu Ahab auch gerhümet
sein/ehre vnd preis bey den Syrern verdienen
als ein gnediger König in Israel/vnd sprach
Lebt er noch/so sol er mein Bruder sein / Vnd
setzt in zu sich auff den wagen / macht einen
Bund mit jm/vnd lies in los wider in sein Kö-
nigreich . Da kam ein Prophet/der sprach zu
Ahab / Darumb das du den Man / von mir
verbannet/hast von dir gelassen/So sol deine
Seele für seine Seele sein/vnd dein Volck für
sein Volck. Vnd es geschach also/wie im xxij
Capit. folget.

Diesen König Benhadad hette Gott vnd
ter denen 100000. die dazumal geschlagen
wurden /auch wol können finden vnd etwa
mit einem pfeil lassen treffen / oder selbs mit
schrecken/töden / wie er reichlich vnd seer
wol verdienet hatte. Den er hatte den Gott Is-
rael zuuor gewlich verachtet vnd gelestert /
Wolte auch Samaria zu grund vertilgen/
also

also das er rhümet / Es solte zu Samaria
nicht so viel erden sein / das seins volcks ein
iglicher möchte eine hand vol dauon tragen.
Aber Gott wolte den König Ahab versuchen /
was er thun wolte / vmb Gottes vnd seines
göttlichen Namens ehre willen . Darumb
gab er ihm inn die hende / den ergesten Feind
Benhadad / der nicht allein das volck Is-
rael / Sondern auch ihren Gott rein auff fre-
sen wolt.

Also hette stzt vnser Herr Gott auch wol
Kund den von Brunswig lassen treffen etwa
mit einem geloet / oder spies / wie er doch mit
schrecken vnd verzagen ist getroffen / ehe es
ist zur Schlacht komen / Denners auch wol
verdienet hat bis daher mit lestern vnd schen-
den beide Gott vnd Menschen / ist dazu er-
griffen itzt inn diesen zug / im werck seiner hen-
de / wie Psalm. x. sagt / Der Gottlos ist ergrif-
fen im werck seiner hende. Denn er willens
gewest / als ein Commissarius der alten Reli-
gion / vnd trewer diener (wie sein Titel lau-
tet) der Bepstlichen heiligkeit / einen weidli-
chen Benhadad widder vns armen Israelis-
ten vnd vnwürdigen Christen (Keczter solt
ich auff Römisch sagen) sich zu erzeigen / das
nicht ein hand vol erden vberblieben were.

Aber Gott hat sich vnser angenommen /
B vnd

vnd erbarmet / solchen zornigen / wütenden
Benhadad in vnser hende gegeben / Damit
vns versucht / was wir thun wollen / für seins
heiligen Namens ehre / wider seine Lestere
vnd Verechter. Die ist nu wol zu fürchten
vñ sich fürzusehen / das vns Gott nicht lasse
des Königs Ahabs Exempel widerfaren /
welchē hernach vber drei jar ein pfeil durch
sein hertz gehen müste / eben von des selben
Königs Volck / welchen er hatte wider Gott
aus vnzeitiger gnadē los gelassen / wie im der
Propheete zuuor gesagt hatte / Darüb das du
hast den Man von mir verbannet lassen ges
hen / sol deine Seele vor seine Seele / vñ dein
Volck für sein Volck sein. Vnd ist ja ein je
merlich ding auff erden / Das offft ein fromer
Mensch mus verderben / nicht vmb seiner ei
gen funde willen / Sondern vmb frembder
Iunde willen / der er sich teilhafftig macht /
aus grosser gedult vnd gunst / vnd alzu mil
der barmhertzigkeit. Wie dem fromen König
Josaphat schir auch geschehen were / eben
vber diesem Könige Ahab iij. Regum xxij. Es
darff wol betens vnd fleis habens / Das vns
Gott behüte vnd regiere / sonst ist bald verse
hen. Gott behüte E. K. vñ F. G. für dem pfeil
Ahabs / da für mir grawet / Denn Gott hat
vns dis mal aus grosser sorg vnd fahr erlöset
nicht on sonderlich Wunderwerck / auch frid
vnd sicherheit verschafft für diesem Benha
dad /

dad. Ist vns zu wol / vnd können seine gnad
nicht erkennen / noch jm dafür dancken / So
mögen wir den Benhadad los geben / So
kan Gott wol vnrage vnd sorge genug durch
in widerumb schaffen / vnser vndanckbarkeit
zu bezalen.

Auch ist hiebey das gar wol zu bedencken
das Gott dis mal nicht allein die Person
des D. von Brunswig / Sondern den Papst
vñ den gantzē cörper des Papstübs (welchs
furnemlich Glied / vñ Heerführer sich der selb
von Brunswig allezeit willig erboten / vnd
sich offi selbs darzu genötiget / vnd für ande-
ren der Augbund hat sein wollen) gemeinet /
getroffen vnd geschreckt hat. Wir wissen ja
wol / solten ja auch gnugsam erfahren haben /
wie viel geschwinder Kencck vnd Practiken /
heimliche tücke vnd stücke / so offtmals wider
vns ist fürgenommen / sint dem Reichstag zu
Wormbs / da das erste Edict wider das heil-
lig Euangelium ausgieng / Anno M. D. xxi
welchs der Papsts vñ sein Cörper auch
noch nicht wil abgethan oder suspendirt sein
lassen / obs der Keiser gleich gerne hette zu
Speir suspendirt. Item / wie sie hernach auff
dem Reichstag zu Augsburg / Anno M. D.
xxx. zusammen wolten setzen Gut vnd Blut /
wider vns / wie sie brülleten / Vñnd jmer hero-
nach Bund vber bund gemacht / nichts vñ
B ij versucht

versucht gelassen / damit sie vns zu grund ver-
tilgen möchten / wo Gott nicht gewehret vnd
allezeit die schantz gebrochen hette. Vnd weil
sie den Keiser nicht kündten erregen / furen sie
zu / vnd schrieben einanderr zu / Sie müsten
mit dem Keiser / wie mit einem todten Fal-
cken baytzen. Solche schrifft sind ihenes mal
zu Wolffenbütel fanden / vnd öffentlich im
Druck ausgegangen. Itzt sibets eben also / als
hätten sie den Keiser / für einen todten Fal-
cken auffgeworffen / weil sich der von Brun-
swig inn seinem Titel sol lassen vernemen vnd
schreiben / Keiserlicher Maiestet / vnd des
Nurnbergischen Bunds / vnd der alten Reli-
gion oberster Deuhtman.

Denselben Bund nennen sie / Defensiu-
um / Gerade als weren sie inn grosser fahr /
das man sie wolte angreifen / So doch we-
der Keiser / Papst noch jemandts furhanden
war / der ihnen gedechte ein har zu krummen.
Vnd wir dieses teils one vnterlas gebeten ge-
flehet / geruffen / geschrien / vmb friede / wie
sie seer wol wissen / Welchen wir von ihnen
nie kein mal haben gantzlich vnd endlich er-
langen können / Nichts anders von ihnen ha-
ben teglich gewarten müssen / denn eitel Of-
fension / angriff / vnd verderben / Wo es die
zeit ihnen geben wolte / vnd raum dazu könd-
ten haben. Denn nicht sie / Sondern / wir
sind

sind durch Bepfliche vnd Keiserliche des
Reichs Edicten bis her verdampt gewesen.
Noch haben wir armen Ketzer / vnd der neu-
wen Religion albere Menschen nicht müssen
verstehen / was die Klugen Lerer der alten Res-
ligion / durch den Defension bund meineten /
Nemlich / nicht den Christlichen glauben /
sondern die Land des Kurfürsten vnd Land-
grauen. Auch musste Gott selbs sampt allen
Engeln mit gewalt den schnuppen haben /
vnd solchen braten nicht riechen / was da
heisse Defension bund / Bis itzt am xxj. tag
Octobris / da hatte er zuuor Nisewurtz genot-
men / vnd das Hirn gereiniget / vnd lies sich
gröblich mercken / der schnuppe were ihm vers-
gangen / vnd verstünde wol / was Defension
bund hiesse.

Item / Dis jar ist ein geprege / wie schawo
grosschen aus dē Niderland herauff komen /
welchs der Papisten treffliche kunst beweis-
set / auch den zweien Herrn / Kurfürsten vnd
Landgrauen / sampt vns allen greulich
drewet. Auff der einen seiten stehen zwo sen-
len / auff einer des Keisers Krone / Auff der and-
ern des Königs Kronen / zwischen den sen-
len ein lediger Stock odder Fessel / mit zwo
keten / fur zwo Personen gemacht / Nicht wol /
solch beschissen Prophet wil den Kurfürsten
vnd Landgrauen drein setzen. Die vmb
B. iij. schrift

Schrifft heisst / *Ad alligandos Reges eorum in compedibus.*
Auff der ander seiten stehet ein zweyköpffig
ger Adeler / der hat in seinen Klawen die zwey
schwert vberschrenckt / wie sie im Kurfürstli
chen wapen stehen / Die spitzen stechen eine
Jungfraw / so drunder auff der seiten ligt / zu
tod / vnd regent eitel Fewr auff sie. Die jung
fraw aber heisst / *infidelitas* / Die vmbschrifft /
Ad faciendam uindictam in Nationibus. Damit sie anzei
gen / was sie heimlich vber vns gespielet ha
ben / vnd wie sie den Defension bund hetten
verstanden vnd verklären wollen / wenn sie
solch gemelt ins werck hetten bracht / vnd
gesehen / das solchs durch ein Keiserl. vnd
Penal Mandat verboten war. Aber sie sind
die lieben Kinder / die nicht sündigen kön
nen / ob sie gleich Gott vnd Keiser mit füessen
treten / Wir sind Sünder / wenn wir gleich
vmb Gott vnd Keiser wollen leib vnd leben
wagen.

Auch wie gerne hetten sie gewehret / das
vns kein Fusuolck were zugezogen / Da sie
(darunter etliche Epte waren) iren vnterthas
nen verboten / sich anzunemen lassen. Vnd
weil sie wol gedachten / die Knechte würden
sich nicht dran irren / ob man sie wolte ab
schrecken / mit des Papsts namen / Darumb
ertichten sie diese lügen auff die vnsern / als
solts wider den Keiser gelten. Die rasende
blutdürstigen Perreter vnd Bluthunde / ha
ben ge

ben gehofft/vns also zu vberreilen / das wir
gar blos/on Wehre / Leute vnd hülffe solten
vntergehen / ehe wir vns umbsehen künden.
Aber wem sie den Stock vnd Fessel gemallet
haben / sehen wir nu / Gott lob / der nach
dem spruch Psa. vij. gerichtet hat. Sie haben
eine Gruben gegraben / vnd sind selbs drein
gefallen / Ire bösheit ist auff iren Kopff ko-
men / Vnd jr freuel auff ire Scheittel gefal-
len. Des dancken wir dem allmechtigen vnd
gerechten Gott/vnd loben den Namen des
HERREN des allerhöhesten / Amen.

Item / da nu der Hertzog von Brunswig
meuchlings / plötzlich vnd vnuersehens war
angezogen / vnd kein Feindes briue ausge-
schickt / vnd zu Felde daher fur / Wilff Gott
welch eine freude / trotzen / pochen / rhümen
jauchtzen / triumphieren war da an allen or-
ten. Nu/nu/nu istts geschehen / Da/da/da /
habens sie es. Vnd war dennoch ein trefflich
bitten / vnd auch öffentlich in Kirchen / vnd
auff der Cantzeln / mit namen fur den Hertz-
zogen von Brunschwig / das im Gott wolt
glück vnd sieg geben / damit die Ketzerey aus-
gerottet vnd vertilget würde. Das war (als
sie hoffen) das stündlin / nach dem sie sich
vber xxiiij jar zusehnet vnd zufrunct haben
Die wolten sie den Brey ein mal anrichten
daran sie viel jar / so engstlich gekocht hats-
ten /

ten. So feret Gott auch plötzlich zu / vnd
schmeißt inn den Breytopff / das beide schers
ben vnd Brey ihnen vnter die nasen sprützen/
das sie verzagt/den kopff hengen / vnd nach
der Mordtthat verblaffen müssen. Ja so wol
ten sie es haben / Denn sie nu (wie gesagt)
wol xxiiij. jar inmerdar sich getröstet / so offt
der Keiser sich geregt / odder Komen hat solz
len / oder ein Reichstag angesetzt ist / So offt
sind sie auff's new schwanger worden (wie
Psalm. vij. sagt) vnd doch einen Feil gebor
ten / Hören auch nicht auff / vn können nicht
auffhören / bis an den Jüngsten tag / da sie
mit irem Abgott zu Rom / ir endlich vrtail Kries
gen werden.

Das sage ich darumb / Das wir wissen /
vnd wissen sollen / Es sey nicht vmb des zu
Brunswigs person / vnd seine personliche
weltliche sachen zuthun / Sondern vmb den
gantzen Behemoeh vnd Corper des Bap
stums / der sich an ihn gehengt / vnd er wider
umb an sie / Vnd haben vnter den schein sei
ner sachen sich zusamen geflickt vnd gerottet /
wider vnser Euangelium / das ist / wider Gott
vnd seines Geists sachen / Were es inen gera
ten / so were es inen allē geraten. O Kluge Leute
/ o weise Leute / o treffenliche Leute / Da ein
iglicher würdig were Bapst zu sein / wenn
man künde mehr denn einen Bapst haben.

Wie

Wie vermöchte doch der Papst selbst / vnsern
Herrn Christum / so subtil teuschen vnd es
fen / als diese Leute vnter ires Commissarien
Person gethan habē. Ob er gleich der allerhei
ligest / klüggest vnd weisest Man ist auff erden.
Vergebe mirs Gott / das ich so grob / vnuer
nunftig rede von dē Papst / Ich hette schier
allzu weislich vnd Ketzerisch geredt vnd ge
sagt / Pfu dich Papstesel.

Diese gemeinschaft des Papsts / daru
ber in Gott ergriffen vnd gefangen hat
als seinen Feind / vñ des Papsts diener
wirds nicht leiden / das man in so leicht Fun
de los geben. Es ist die Gottes lesterung zu viel
vnd gros im Papstumb / welcher wir vns
nicht müssen teilhaftig machen / Es kome
denn zuvor gar viel zu andern reden / weder
wir noch itzt hören. Damit vnser gewissen
nicht beschweret mit frembden sunden / vnd
auch dem Ahab gleich fur Gott gerechent wer
den. Denn woer solt los werden / so wird
es gewislich geschehen / Das die Papisten
werden auffs new vnsern Gott lestern / vnd
sich selbs rhümen / Siehe da / ob vns nicht
Gott habe erhöret. Wir haben gebeten fur
Hertzog Henrich von Brunswig / Aber Gott
hat vns mit gedult bewert / vnd gleichwol er
hört. Denn ob er wol Hertzog Henrich hat
in der Ketzer hende gegeben / vns zeitlich zu
C straffen

straffen / Dennoch haben sie in nicht können
behalten / Sondern Gott hat sie getzwun-
gen / das sie in haben müssen los lassen / D
dancck hab vnser lieber Gott / der seine Kirch/
vnd die alte Religion nicht verlassen hat / vnd
den Ketzer nichts guts wil sein lassen.

Vnd ist war / dis Argument bewegt mich
am höchsten / Denn wir wissen / das der
Papist vnd seine Schupen nicht zu bekeren
sind. Darumb können sie nicht anders thun /
denn sich selbs trösten / schmücken / vnd pu-
tzen / auch in irem grösesten vnfal vnd ergsten
sünden. Sie müssen jmer recht haben / Gott
mus jmer vnrecht haben / Welchs wir (als
ich achte) solten ja wol erfahren haben / in die-
sen xxiiij. jaren. Solten wir nu hiezu vrsach ge-
ben / das der Papst vnd Papisten / solche leste-
rung wider vnsern **HEILIGEN** Christum / sol-
ten öffentlich in Kirchen vnd daheim in Hau-
sern speien / Dazu sich in irer Abgötterey / leste-
rung / irthum stercken / vnd sich rühmen / sie
hettens durch ire heiligkeit / als die rechten
Christen / von Gott bekommen / Da were es bes-
ser / es were nie kein Papst geborē / Ja er auch
kein Fürst zu Brunswig ihe gewesen. Denn sol-
che lesterung ist so gros / vnd solche Versto-
ckung zu hart / die wir doch auff vns nemen
müsten / vñ hernach der Kewel allzu schwer /
auch vielleicht vmbsonst sein wurde.

Sie

Sie haben eine Prophecey/die ich vor xl.
Jaren gehört / auch in Büchern / als der tollen
Brigitten / Arnolt / Liechtenberg / vnd andern
mehr geschrieben / darin sie jr Abgott der Teuf
fel tröstet / Es werde ein verfolgung vber die
Clerisey gehen / Aber darnach herrlicher wer
den / weder sie ihe gewesen ist. Solcher Pros
phecey glauben sie / wie sie denn nicht anders
werd sind / weil sie Gottes wort vnd heilige
Schrift verfolgen . Daher hoffen sie jmer
fort so engstlich / solche zeit sol komen / das sie
herrlicher werden / weder sie ihe gewesen sind.
Verstehn des Teuffels spot nicht / der jr schend
lichs / lesterlichs vnd vnbusfeltigs leren vnd
Leben / mit solchem falschen trost sterckt vnd
verstockt. Denn ire lere zu lassen / vnd leben zu
bessern / ist jnen kein ernst noch willen / der
Teuffel wils auch nicht / Aber der straffe wol
len sie sicher sein / das wil auch Teuffel / der
doch weis / das nicht sein kan / vnd sie also ner
ret / in irem schendlichen leben / Vnd leßt /
ja heisst sie jmer hin schendlich leben / vnd
doch hoffen herrlicher zu werden / weder sie
gewesen sind. Das ist / so wir itzt auch sehen
wie sie auff iren Commissarien der alten Reli
gion / so gros hoffnung gesetzt / vnd furin ge
beten haben . Noch wollen sie nicht sich
vmb ein har bessern / ob sie wol Gottes wun
der greiffen / der sie itzt sampt irer hoffnung /
Propheceien vnd beten in den dreck getret
E ij ten hat

ten hat / Das sie dismal jr lesterlich rhümen
lassen in üffen . Vnd wo sie hinfort nicht an
dies thun werden / wird er jnen wol bas komē.

Damit sie aber nicht vns schuld geben
mögen / wir seien vnbarhertzig vnd
nicht middleidig / wie das Euangelium
leret / des wir vns doch rhümen . Wiewol sie
auch bisher gegē vns kein ander barhertzig
keit geübet / vnd jner fordt vben wöllen / denn
wie Cain an seinem bruder Dabel / vnd Cai
phas an vnserm D^{er}ren Christo geübet ha
ben / wollen gleichwol Christen vnd die heiliz
ge Christliche Kirche sein . So sage ich Erst
lich von der weltlichen oder leiblichen barms
hertzigkeit / Das vnser Fürsten vnd Herrn ei
ne grosse vñ zweifeltige barhertzigkeit vben
am D. von Brunswig / Das sie in gefangen
haben / vnd nicht los geben . Eine ist diese /
Das sie jm damit steuren vnd weren / seine Ty
ranney / Gotteslesterung vnd böse thaten
das er mus auff hören vnd ablassen / Solchs
ist im selber gesund vnd gut . Die andere ist /
Das sie damit frome vnd vnschuldige Leute
retten vnd schützen / das sie friede vnd gemach
für jm haben / sicher wonen vnd sich neeren
können / auch Gottes wort lernen . Diese zwo
barhertzigkeit preisen Sanct Paulus Rom.
xiij. vnd j. Petri ij. am weltlichen Regiment /
vnd nennens daher einen Gottes dienst / vnd
auch

auch so ist / wo es gefurt wird / nach seinem
rech vnd art. Tyrannen aber machen einen
Teuffels dienst daraus / wie der Hertzog von
Brunswig gethan. Denn es sol heissen / zur
rache vber die Bösen (spricht S. Petrus (vnd
zu lobe den Fromen. S. Paulus spricht) Ober
kein ist Gottes Dienerin / dir zu gut / Eine Kas
cherin vber denen so böses thut / &c.

Zum andern / von der geistlichen Barm
hertzigkeit zu reden. Diewil ich jm einen tre
wen köstlichen Rat aus der D. Schrift ge
ben / nemlich Das er sich mit gantzem ernst
demütige fur Gott / vnd rechtschaffene busse
thu / Neme zu sich Leute / die in lerē / wie man
recht bussen sol. Denn er mus warlich das
blatgeschrey nd zetergeschrey / damit er His
mel vnd Erden erfüllet / vnd vber seinen
Kopff erweckt hat / zu vor wider stillen / mit
tieffen seuffzen vnd heissen threnen. Vnd
sich williglich in den stich geben / mit solchen
oder derglichen Worten / wie in dem Gebet
des Königes Manasse stehē. Denn seiner sun
den sind viel am tage / durch den Druck aus
gebreit / auch fur dem Keiser zu Regensburgo
furgetragen / wie er mit Goslar / Doctor Lm
beck Mordebrand &c. hat handeln lassen / sol
chen Calender er am besten weis / Vnd Got
bekennen vnd sagen mus / das er viel vnd
wol die Helle verdienet / Viel auff dem Rade
E iij ligen

Liegen/die seiner teglichen funde kaum zwo ge-
than. Denn für Gott gilt nicht das mensche-
lich Recht/ *de illustri persona* / Er acht den gerin-
gen eben so hoch als den grossen / vnd wider-
rumb zc. Die ist kein ansehen noch vnterscheid
der Personen.

Das er nu gefangen vnd aus seinem Für-
stenthumb gestossen / sol er nicht deuten / das
es sey die rechte staupe / so er verdienet / Son-
dern ein Fuchschwentzlin / damit er seubern-
lich vnd gnediglich vermanet ist zur busse /
vnd sol also sagen. Lieber Gott / weil ichs wol
erger verdienet / vnd du doch mit solchem Flei-
nen gnedigen Keislein mich hast gesteuert /
So wil ich diese straffe gerne tragen mein le-
benlang / vnd mich des Fürstenthums verzei-
hen vnd faren lassen / welchs ich mit allem
recht / ja mit grosser gnaden von dir entsetzt
bin / vnd habs billig verloren / Ich tang nicht
dazu / wie ichs nu wol sehe. Gott du bist ge-
recht / du hast mir recht vnd viel zu wenig ge-
than. Denn (wie gesagt) mit Gott mus man
aus rechtem grund des hertzen handeln / vnd
vns jm gehorsamlich ergeben in seine straffe.
Wo wir nicht so thun / So merck ers / als ein
Hertzkundiger / dem nichts verborgen ist /
vnd auch niemand in teuschen noch betrie-
gen kan. Vnd wer sichs vnterstehet / der
macht seine Sache gar böse / wenn sie gleich
halb

halb gut were/wie wir Christen solches alles
wol wissen/oder ja wissen solten .

Darnach müste er auch sich demütigen/
gegen alle die er beleidigt hat / vnd bitten
vmb vergebung / vnd sich mit jnen versöhen/
Der sind fast viel / wie öffentlich leider be-
wust. Denn Christus vnser **H E R R** wil sein
wort vmb niemands willen widerruffen/da
er spricht Matth. v. Wenn du deine gabe zum
Altar bringest/vnd wirst alda ingedenck das
dein Bruder etwas wider dich habe / So las
alda fur dem Altar dein gabe / vnd gehe zu
vor hin / vnd versöne dich mit deinem Brus-
der. Vñ solchs thut gewislich ein recht rewig
hertz/das mit ernste busse thut. Wer es aber
nicht thut/der hat nicht rechte reu noch bus-
se / Darff auch nicht hoffen / das Gott sein ge-
bet höre/oder jm gnedig sein müge.

Wnu der **D.** zu Brunswig diesem Rat
folget/vnd also thut noch Gottes wort/
So wird jm Got gewislich gnedig sein/
vnd so er zur Dellen gefaren were / müste er
doch wider herauff. Vnd solt wol geschehen/
das man in holen / vnd mit allen ehren zwin-
gen müste/wider in sein Fürstenthumb / das
selbs wider anzunemen. Des sehe das Exem-
pel Davids an / ij. Reg. . am xv. Da er durch
seinen son Absalom / des Reichs veriaget vnd
entsetzet

entsetzt war / vnd ins elend fliehen müste / zu
fusse weinend vnd verhullet / Sprach er zu
den Priestern / die jm mit der Lade des bunds
dach folgten / Keret vmb in die stad mit der
Laden / Wil mich Gott zum Könige haben /
so wird er mich wol wider holen / das ich sie
sehe vnd seinen Tempel. Spricht er also / Ich
hab nicht lust zu dir / Sibe / hie bin ich / Er ma-
che es mit mir / wie es jm gefellet. O welch ein
hertz ist das gewesen / wie tieff demütiget sichs
gibt sich in den stich / vnd nimpt Gottes straff
mit willigem gehorsam an. Damit brach er
auch Gotte sein hertz / erweicht / vnd gewan
jn also gewaltig / das Absalom müße bald her-
nach erstochen sein Abithophel sein oberster
Rat sich selbs erhencke / Vnd das gans Reich
Israel / das wider jn gestritten hatte / vñ in Ju-
da von jm gefallen / wolten sich zu reissen vmb
den David / vnd holeten jn mit grossen ehren
wider.

Also kam der König Manasse auch wie-
der von Babylon heim gen Jerusalem / da er
busse thet / sich seer demütigt vnd selbs ver-
dampte. Item / der verloren Son im Euange-
lio / Luce xv. wolte nicht mehr Son heissen
noch sein / vbergab sein Erbe gantzlich / vnd
sprach / Vater / mache mich wie einen deiner
Tagelöner zc. Damit gewan er des Vaters
hertz / das er jn auch mit freuden wider an-
nam /

nam/wie daselbs zu lesen ist. Denn wir Chri-
sten wissen vnd haben einen solchen Gott/
der nicht wil vnd nicht kan den hoehmut lei-
den. Wie S. Petrus spricht/Gott widerstehet
den Hoffertigen. Vnd Christus selbs/ Wer
sich erhöhet/mus genidrigt werden. Vnd so
singt meine liebe Mutter / Er stoffet die Ge-
waltigen von dem Stule etc. Das ist deine
Natur/vnd thut nicht anders.

Widerumb kan er auch nicht leiden noch
verlassen die demut / Er hebt die Nidrigen
empor/ vnd wer sich nidriget / sol erhöhet
werden. Des ist die Schrifft mit Exempeln
vnd Worten vol vnd vber vol. Wer wolte sol-
chen Gott nicht wütschen vnd lieb haben?
Aber auffer der Christenheit oder Gots
tes Volck/ leret mann nicht / vnd weis
nichts von solchem Gott / als die Jüden/
Türcken/Papst/Cardinal/Darumb wissen
sie auch nichts von rechter Busse vnd De-
mut.

Nimpt der D. von Brunswig diesen
Kad an/ vnd folget genantem Exempel/ vñ
ergibt sich mit David in Gottes gehorsam/
vnd leßt in machen/ So wird man sehen/
das in Gott wird ehren / Obs hie nicht ge-
schehe / so wirds dort geschehen viel herrli-
cher. Geschichts nicht/ so ist gewis/ das
D Da

Da keine rechte Kew / auch kein vertrauen zu
Gott ist. Wie können aber wir im den ver-
trauen / vnd los geben / der Gott nicht ver-
trawet noch büffet. Vnd wie wil er seine See-
le ewiglich Gott vertrauen / der nicht sein
zeitlich Fürstenthum vnd sein vergänglich
leben im vertrauen wil.

Darumb hoffe ich / dieser mein Khat / ja
viel mehr des heiligen Geists Khat / in seiner
heiligen Schrifft / solt vns zeugnis gnugsam
geben / das wir nicht vnbarhertzig / oder
steinerns gemüts sind / gegen einigem Mens-
chen / auch vnsern Feinden / wie sie die Papi-
sten wider vns on alle vrsach sind / wie der
D. von Brunswig auch gewesen. Sont ern-
gern wolten / das jederman selig würde / auch
hie zeitlich in friede vnd ruge leben möchte.
Aber also barhertzig zu sein / das wir vns
mit frembden vnbusfertigen sünden sol-
ten beschweren / vnd teilhaffig machen / das
ist nicht menschlich / schweige denn Christ-
lich. Denn damit würde ich durch meine
barhertzigkeit gegen dem Menschen / Got-
tes barhertzigkeit gegen mir verlieren / Das
thuts nicht. Wilt dir zuvor selber mit reu vñ
trew gegen Gott vmb deine Sünde / So solt
du barhertzigkeit volauff finden / oder deck
vnd trage deine Sünde allein / vnd las mich
damit vnbeschweret / vnd mach keinen Ab-
aus mir.

Solchs

Solchs habe ich gnedigster vnd gnedig-
ge Herrn/wollen an ewr E. K. vnd F.
G. schreiben / damit ich den guten Leu-
ten/so von mir solchs begert haben / zu dienen
vnd zu wilfaren / geneigt vnd bereit erfunden
würde / wie ich mich schuldig erkenne. Ober
das / so ich bey mir gedacht / E. K. vnd F. G.
würden von sich selbs / beide dis vnd anders
mehr / wol bedenccken / das es nicht so zu eilen
sein wil / mit dem los lassen des gefangenen
Hertzogen von Brunswig / als vielleicht / die
starcken Fürbitte gerne wolten. Die gedan-
cken der Hertzen sind noch nicht offenbart /
vnd Gott hat noch nicht seine ehre / die jm in
diesem werck gebürt. Man weis wol / dz Her-
zog Heinrich den Zug nicht vermocht /
Man weis wol / das aus Welschland treffli-
che rüstung in das Deutschland geschickt
vnd verordnet gewesen. Wirds laut / das der
Papist oder wer es gethan / kan man darauff
sich berhatschlagen vnd in die Sach sich
weiter schicken.

Summa / wir wissen alle / das der Papst
vnd die Papisten wollen vns alle tod haben /
an Leib vnd Seele. Widerumb / wir wollen
sie alle mit vns an Leib vnd Seele selig ha-
ben. Welch teil für Gott gerecht sein werde /
ist leichtlich zu vrteilen. Wir haben ein gut ge-
wissen für Gott / vnd wenns möglich were /

D ij DAS

Das sie vns köndten alle tödten / wie sie als
die tollen Narren hefftig begien. So haben
wir doch den trost vnd trotz zuvor / das wir /
vmb Gottes vnd seines Worts willen gemar
tert werden. **D** **H** **E** **R** **E** **G** **o** **t** / wie selig vnd
hoch ehre hetten wir damit erlebt / Denn wir
on das schuldig sind / dem Blut vnser
H **E** **R** **E** **N** **C** **h** **r** **i** **s** **t** / auch vnser Blut darzu
strecken. Aber sihe / der Papst vnd seine Papi
sten hetten damit ire Sache (wie sie doch ho
ffen) nichts besser / sondern viel erger ge
macht.

Denn vnser Gott heisst / Schöpffer Hi
mels vnd Erden / das ist / der alles aus nicht
vnd alles wider zu nicht machen kan / Wie
wir fur augen teglich seine werck sehen / weñ
wir augen hetten. Darumb wenn der Papst
vnd seine Schupen gleich vns alle hetten dis
mal durch iren Commissarium auff gereunit
So were doch Gott der Schöpffer gewis
lich Gott der Schöpffer blieben / vnd hette
widerumb nach art vnd weise / seiner allmech
tigen gewalt / widerumb einen newen Lu
ther / oder andere newe Ketzer (wie sie vns
nennen) aus lauter nichts machen können /
Die dem Papstum viel anders würden zu
sprechen.

Denn da der Teuffel die Welt mit blind
heit besessen / vnd wider Gott den Triumph
hatte

hatte/ fast alle Gottes Kinder vnterdruckt/ we-
cket Gott den Nocha auff/ dz er musste die gan-
tze Welt erschaffen. Vnd zur zeit Abraham da
auch alle Welt finster war in des Teuffels
reich/ musste Abraham ein Liecht werden mit
seinem Samen/ den König Pharao erschaffen
vnd sieben grosse Völcker in Canaan erwür-
gen. Item da Caiphas Gottes son Chri-
stum gecreuzigt hatte/ da hatte ers gemacht
wie er wolte/ vnd der Teuffel meinete/ er het-
te na das rechte Liecht ausgelescht. Ja wol
ausgelescht da steht er auff von den Todten
sendet den heiligē Geist vnd zündet ein solch
Liecht an / das die gantze Welt vol Liecht
ward/ von Morgen bis gen abend. Vnd da
der Teuffel gedachte d. r schöne Gott zu blei-
ben/ ward er offenbart ein heuslicher Teuffel/
Caiphas mit dem Judenthum verstorret vnd
zu nicht ist worden. Höret auff jr tol-
len Narren/ Bapst vnd Papisten / blaset nit
in solch Fewr/ das Gott angezündet hat/ jr
werdets wider euch selbs auffblasen/ Das
euch asschen vnd funcken werden in die au-
gen stieben. Ja Gottes ist solch Fewr/ der sich
ein verzehrent Fewr nennet. Ir wisset/ seid
auch in ewrem gewissen vberzeuget vnd vber-
wunden / das jr böse vnd verlorne Sachen
habt/ vnd streitet wider Gott/ das wird euch
nicht wol gelingen/ wie jr offt vnd itzt an ew-
rē Commissariē gewitzigt vnd gewarnet seid
Am



D letzten mus ich auch
mit vns selber reden / auff
dz wir vns nicht rhümen
oder erheben / als hetten
wir solchen sieg durch vn
ser macht oder würdigkeit
erlanget / vnd damit vns
selbs ehren / vnd Gott vns
danckbar werden / Gleich
wie Mose sein Volck auch leret / im fünfften
Buch cap. ix. So wisse nu / das der **DE**u
dein Gott / dir nicht ymb deiner gerechtigkeit
willen dis gute Land gibt einzunemen / sin
temal du ein halstarrig böse Volck bist. Vnd
Psalmo xxxiiij. Einem Könige hilfft nicht sei
ne grosse macht / Kasse helffen auch nicht /
vnd jr grosse menge errettet auch nicht. Also
singt auch Psalm. Cxliij. Gott ist der den
Königen den Sieg gibt. Ja nicht allein den
Sieg / sondern auch das Königreich oder
Fürstenthum. Danielis iij spricht Daniel zu
NebucadNesar / Bis du erkennest / das der
Höchste gewalt hat vber der menschē König
reiche / vnd gibt sie wem er wil. Also sprach
auch des junge König in Israel / Jonathan
Sauls son / i. Regum xiiij. Es ist Gott nicht
schwer / durch viel oder wenig zu helffen.
Welche wort auch Judas Macchabeus wi
derholet / Maccab. iij. Gott kan eben wol sieg
gehen / durch wenig als durch viele / Denn
der Sieg

der sieg kompt vom Himel / vnd wird nicht
durch grosse menge erlanget.

Solchs haben auch die Weiden erfahren
(wie noch teglich auch erfahren wird) vnd
nicht gewust / wie es doch zugienge / weil sie
von Gott nichts gewust / vnd habens genen
net *Fortunam vnd Variam fortunam belli*. Glück thu
mehr / den stercke im streit. Also sehen wir / dz
itzt Gott bis daher / dem Türcken gros glück
gegeben hat wider die Christen vnd ander
mehr Völcker. So er doch wol so vngleubig
vnd böser ist / als der König zu Babel / der
auch Gottes eigen sonderlich Volck vmb jrer
Sünde willen bezwang.

Vnd das der Türck / vnd zumor die Sar
racenen vns Christen smer sind obgelegen /
vnd noch obliegen / sol vns nicht wundern /
Denn wir sind im Bapstum mit solchē grew
eln der messen / vnd vnsachlichen Abgöttere
en / erfüllet / dazu Christen sein wöllen / vnd
Christus namen gefurt habē mit allen schan
den / das nicht wunder were / es gienge vns /
wie Mose seinem Volck auch drowet /
Deut. xxxij. Wie geht es zu / das einer (feind)
tausent jaget / vnd zwene zehen tausent flüch
tich machen. Darumb ligt gar an dem /
wem Gott der **DEUS** den Sieg gönnen vñ
geben wil / vñ nicht an dem / wer mechtig ist
vnd

vnd starck ist. Es heist vnd bleibt also / der
Sieg kompt vom Himel / vnd Gott ist / der
den Königen Sieg gibt / Widerumb auch
den Fürsten den mut nimpt / vnd schrecklich
ist vnter den Königen auff erden.

Also hat Gott auch itzt vns den Sieg ge-
geben / wider das Papstum vnd seinen Com-
missarien / nicht durch vnser stercke / noch
vmb vnser frömdkeit willen. Denn leider auff
vnser seiten / heimlich viel Papisten sind / die
vns von hertzen vngünstig / vnd diesen Sieg
mit grosser vngedult vnd trawren gesehen
haben vnd noch sehen. Auch viel sind / die
Gottes wort schendlich verachten / vnd vn-
danc bar gnug sich erzeigen. So ist der
Geitz vnd Macher / solch ein dicker / fetter /
herrlicher grosser Gott / das man auch hört /
wie Wirten vnd geringe Leute / wenn sie eine
Summa gelts / funffzig oder hundert gülden
haben / flux damit in den Handel lauf-
fen / xv. xx. Floren gewin suchen vnd nemen.
On was noch die Klage ist vber die Hand-
wercker / vber die Werckleute / vber Gesinde
vnd Nachbar / Bawr vnd Bürger / da man
nichts sibet denn eitel mutwillen auff s hö-
hest gestigen / schinden / schetzen / vbersetzen /
stelen / tenschen / triegen vnd liegen / Das
wol zu wundern ist / wie vns die Erde noch
tregt.

Ja sage

Ja sage ich / wir habens freilich nicht ver
dienet / das vns Gott vmb vnser gerechtigt
keit willen diesen Sieg / vnnnd bis her / man
che wolthat vnd schutz geben hat / wider den
Teuffel vnd seine Scupen. Ein vorteil haben
wir ders thut / nemlich / Gottes wort haben
wir / heilig / rein vnd lanter / durch seinen hei
ligen Geist / das in der Lere gewislich kein lü
gen / noch falsch / noch Abgötterey ist . Vnd
wenn vnser Leben vnd werck so heilig / rein
vnd lanter were / nicht als das Wort (welchs
ist vnmüglich) sondern als wol vnd so ferne
es sein solte vnd köndte / so woldten vnd kön
ten wir dem Teuffel wol die Nelle / vnd dem
Türcken vnd Papst die Welt zu heis / zu kalt
vnd zu enge machen / wie wir wolten.

Doch wie Gott spricht Esaie Lv. Mein
wort / das aus meinem Munde gehet / sol
nit ledig wider komen / sondern frucht brin
gen / dazu ichs gesand habe. Drummb müssen
dennoch vnter vns sein / etliche rechte / frome
heilige Kinder Gottes / vnd rechte Christen /
wie wenig der selben sind / Sunst müste Got
tes wort vergeblich vnter vns sein / welchs vn
müglich ist. Darumb mus auch das gewis
sein / das der Heilige Geist bey vns sey / der
sein Wort rein leret vnd erhalt / vnnnd vns mit
rechtem Christlichen glauben begabet / vnnnd
mit andern mehr gabē zieret. Solcher glaub

¶

kan

Kan nicht sein on fruchte vmb gute Werck/
wie Christus spricht/ Johannis xv. Wer in
mir bleibt/vnd ich in im/der bringt viel fruchte.
Sonderlich ist der Glaub nicht on das ges
bet oder Vater vnser / durch welches er alles
vermag/wie der DEXX sagt/ Johan. xiiij.
So jr in mir bleibt / vnd meine Wort in euch
bleiben /so mügt jr bitten/was jr wollet/ vnd
sol euch widerfaren. Vnd Mar. xj. Alle ding
sind möglich dem der glaubet.

Solch vrteil hat vnnnd Kan nicht haben
der Papst.vnd seine heilige vnchristli
che Kirche. Denn da ist nicht allein
verachtung des Worts / sondern auch verfol
gung desselben / vnd aller die es bekennen vñ
leren/wie sie vntereinander selbs wol wissen
auch etlicher viel bekennen. Denn ire Abgöt
terey vnd grewel sind offenbar / Das ire lere
allerding wider Gott/vnrein vnd voller teufl
felischer lügen ist/Daher sie auch keinen rech
ten glauben können haben. Denn wo die Le
re vnrein vnd falsch ist/ Kan der glaub nicht
recht noch rein sein/wo der glaub nicht recht
ist/ da können keine gute frucht oder gute
werck sein/sie gleissen wie sie wöllen/ wie der
DEXX sagt Matthei xij. Setzet den Baum
gut/vnd seine fruchte gut / Oder setz den
Baum faul/vnd seine fruchte faul. Vnd vij.
Ein guter Baum bringt gute fruchte / Ein
böser

böser Baum bringt böse fruchte. Es ist alles
vmb die Lere zu thun / wo die recht ist / So ist
alles recht / glaube / werck / leben / leiden / gu-
te vnnnd böse tage / essen / trincken / hungern /
dürsten / schlaffen / wachen / gehen / stehen
zc. Wo die Lere nicht recht ist / da ist es vmb
sonst / alles verloren / vnd alles gantzlich ver-
dampt / werck / leben / leiden / fasten / beten /
almosen / rappen / platten / vñ was der Bepst-
lichen Kirchen heiligkeit mehr ist.

Darumb darff man sich vor irem gebet
nicht fürchten / noch besorgen / so wenig als
sich Elias fürcht für dem gebet der Prophe-
ten Baal / iij. Regum xx. Sondern wie er sie
spottet / sampt irem gebet / vnnnd Gott / so mü-
gen wir der Papisten gebet / sampt irem Got-
te auch spotten. Denn wir wissen / das jr ge-
bet verflucht ist / wie ire Lere vnnnd Glaube /
nach dem Cix. Psalm. Ir gebet mus zur sun-
de werden / vnd wen sie leren / der mus ver-
dampt sein.

Vnd ist zw. s jr gebet gleich wie der Teuf-
fel selbs jr spottete / da ein mal ein truncken
Pfaff im bette seine Completen betet / vnd im
gebet speiet er / vnd lies einen grossen Bom-
bare streichen. So recht sprach der Teuffel /
Wie das gebet ist / so ist auch der Weirauch.
Eben so ist all jr lören / in den Stifften vnnnd
Blöstern.

E ij wöllen

gebey unfruchtbar

15.

wollen auch nicht beten / wissen auch nicht
was beten sey / oder wie man beten sol. Weil
sie das Wort vnd Glauben nicht haben. On
das der Papst zu Rom mit seinen Procession
vnd Litaniën (welchs im andere nachthun
den Königen vnd Herrn gerne wolte eine
Nase drehen / vnd ströern Bard flechten /
das sie glauben sollen / er sey sehr andechtig
vnd heilig. Wil aber nicht ein har weichen
von seinen geweln vnd Abgötereien. Als es
ist sein gebet / des druncken Pfaffen Comple-
ten / vnd Weirauch. Ja wens nur so gut wer-
re / so were hoffnung / er möchte nüchtern
werden / vnd für solche stinckent Completen
ein bessere Metten beten. Davon itzt genug.

S sage ich nu den vnsern / das sie sich
nicht sollen rhümen vber diesen Sieg /
sondern Gott die ehre geben / im dan-
cken vnd preisen / der allein der rechte Krieger
ist / vnd heisst doch / ein Allmechtiger Krieger
wie in Mose nennet / in seinem Lobgesang /
Exo. xv. dem auch der Sieg nimer mehr fei-
len kan.

Nicht das man darumb solt die Rüstung
nachlassen / wo man sie haben kan / Son-
dern das man sich darauff nicht lassen / son-
dern allein Gott vertrauen sol / der beide
durch Rüstung / wo man sie habē kan / Auch
on Rüstung / wo man sie nicht haben kan /
den Sieg geben wil. Denn wo man die Rüs-
stung

stung haben kan/sol man derselben/ als sei-
ner gaben brauchen/ darunter er sich verber-
gen/ vnd also wunderlich den Sieg geben
wil. Wo man aber die Rüstung nicht haben
kan/ da wird er sie zur not wol verschaffen
reichlich den seinen/wie er dem heiligen Kö-
nig Ezechie thet für Jerusalem/ wider den
Keiser zu Assyrien/Sanherib. Vñ doch Mo-
se schreibt. Exo. xiiij. Das die Kinder Israel
gerüst oder geharnicht aus Egypten zogen/
ob sie wol in Egypten on ire Rüstunge erret-
tet wurden/ durch des **DEKEN** gang o-
der Phase. Nach im roten Meer on ire Rüs-
tung für Pharao frey vnd sicher wurden.

Also spricht auch S. Paulus i. Cor. iij. Ich
habe gepflantz/Apollo hat begossen/ Aber
Gott hatt das gedeien gegeben. Er kündte
wol on pflantzen vnd begiessen das gedeien
geben/ vnd on dis gedeien/ ist pflantzen vnd
begiessen vñb sonst. Aber er wils nicht ge-
ben/ man pflantze denn vñnd begiesse.

In der Wüsten vñnd in der not macht
Christus der **DEKEN** aus fünff Brot so viel
das xij. Körbe vol brocken vber blieben/ den
fünfftausent Man/die da assen/ vnd sat wa-
ren worden. Aber den Bawren auff dem fel-
de wil er solch gedeien nit geben/ ist auch nit
not/ Sondern er sol pflügen/egen/seen/das
L ij ist braun

ist/branchen des/so für handen vnd Gott da
zu geordnet hat. So wil er den Segen vnd
gedeien geben. Sonst heisst es Gott versucht
Er köndte auch wol den D. Geist geben/ on
das Wort vnd Prediger. Aber er wils nicht
on das Wort thun/ oder wird auch hie heisse
sen/Gott versucht/wie die glaublosen Werck
heiligen thun. Also köndte er wol itz auch ha
ben gethan/vnd die Papisten mit frem Com
missarien/on Rüstung zu schanden machen/
Aber er hatt die Rüstung lassen seine Caruen
sein/ vnd darunter inen den mut genommen/
vnd mit schrecken zu nicht gemacht.

Darumb spricht Psalm. xliiij. Unser Vester
haben das Land mit eingenomen/ durch
jr schwert/ Vnd jr arm halff inen nicht. Son
dern deine rechte vnd dein arm/vñ das Liech
te deines angesichts/ Denn du hattest wolge
fallen an inen zc. Wie thar er das sagen? ste
het nicht da die Schrift das Josua mit dem
volck Israel / gerüst vnd zu Felde geordnet
zog/mit faust vnd harnisch/die vöcker Cana
an schlug vnd gewan? Wie halff inen denn
jr schwert vnd arm nicht? Ja das ist/dan
wir reden/wo nicht Gott mit seinem Andlit
Liecht vnd wol efallen bey inen gewest we
re/ wie er hie sagt / Sie wurden mit jrem
Schwert vnd Arm zu allen schanden wor
den sein.

Wie

Wie inen geschach / Josue viij. Da sie ver-
messen waren / verachten die stat Dai / vnnd
sprachen / Was sol das gantze Volck / wider
so wenig Volck sich bemühen / las zwey oder
drey tausent Man hin ziehen / vnd die Stadt
verderben. Aber die zu Dai vielē heraus vnd
schlugen sie in die flucht / das ein sehr gros
schrecken vnnd zagen in das gantze Volck /
vnd vber Josua selbs auch kam / vnd mit gro-
sser mühe / sich wider ermaneten. Eben so ge-
schach den vermessenē Israeliten auch / Ju-
di. xx. Do sie zuvor lernen musten / nicht auff
ir Schwert zu pochen / vnd zweimal von er-
ner stat Gibeā / Bürgern / den Ben Jamiten
geschlagen wurden / vnnd vierzig tausent
Man verloren.

Das wil der Prophet. Da er forder im ge-
nanten Psalm. xliij singet Gott du bist mein
König / der du Jacob hülffe verheiffest /
durch dich wollen wir vnser Feinde umbstos-
sen / Vnd in deinem Namen wollen wir vn-
tertreten die sich wider vns setzen. Denn ich
verlasse mich nicht auff meinen Bogen / vnd
mein Schwert kan mir nicht helffen. Son-
dern du hilffest vns von vnsern Feinden vnd
machest zu schanden die vns hassen.

Er spricht nicht / Ich habe keinen Todē
noch schwert / Ja ich habe wol (spricht er)
bogen vnd Schwert / Denn es ist ja mein
schwert

schwert vnd mein bogen. Man sol vnd mus
gerüstet sein / mit Wehre vnd Waffn / wo
man sie haben kan / Auff das man Gott nit
versuche / Sondern / ich verlasse mich nicht
(spricht er) auff meinen bogen / oder auff mei
ne Rüstung / Das VERLASSEN vnd
vermessen / oder vertrauen / auff eigen macht
oder Rüstung / das verderbets gar / vñ ist rech
te Abgötterey. Denn vertrauen vnd vermes
sen / oder verlassen / gehöret alleine Gott zu /
das der damit / als ein rechter Gott erkennet
vnd geehret wird / das der Sieg seine gabe
sey / vnd nicht vnser macht oder klugheit.

Also schlenst er daselbs. Wir wollen teg
lich rümen von Gott / vnd jmerdar deinem
Namen dancken / Sela. Das heisst / allein
Gott sol man ehren / rümen vnd dancken /
der alles thut vnd gibt sonderlich den Sieg /
Denn er wil der beide keines nicht leiden /
Versuchen vnd vermessen / Sondern wir sol
len die Mittelstrassen gehen / weder zur linck
en noch zur rechten seiten ausweichen. Wer
nicht Rüstung sucht / wo er sie haben kan /
der brauchet des nicht / das Gott gegeben
hat / der weicht zur lincken aus / vnd wil (wie
man sagt) mit dem kopff versetzen / vnd vers
ucht Gott / vnd werden auch getrost vnd bil
lich vber den kopff geschlagen. Wer auff sei
ne Rüstung / klugheit oder stercke sich verlesse
vnd

vnd vermisset / der weichet zur rechten seiten
aus / vnd verachtet Gott / dem er alleine ver-
trawen / vnd sich seiner blossen güte vnd gna-
de vermessen solt. Die Mittelstrasse aber heist
Gott hat wolgefallen an denen die in fürch-
ten / vnd seiner güte trawen / Damit krieget er
die Ehre vnd Rhum / die jm gebüren / Psal.
Cxlviij. Sonst gehets / wo es der vermessen-
heit geret / das des rhümens vnd prangens
keine masse ist / da wil ein iglicher das beste
gethan haben / Ja ein iglicher wolt gerne al-
lein die ehre haben / Das Gott mus vergessen
sein vnd dahinden bleibē / als hette er nichts
gethan / oder nichts dazu thun köndte . So
doch die Weiden durch viel erfahrung / vñ nit
on schaden gelernet haben / den Sieg / dem
Glück oder iren Göttern / vnd nicht irer Flug-
heit vnd stercke zueigenen.

Her gehört nun der Psalm lxxvi. Gott
zu loben vnd zu danckē / der vns dis mal
zum anfang / von der Papisten bösen für-
nemen gnediglich errettet vnd geschützt / vnd
sie mit irem trotz vnd vermessenheit zu schan-
den gemacht hat. Vnd wo sie nicht auffhö-
ren werden (So fern auch wir in Gottes
furcht vnd trawen bleiben) Sol vnser **HER**
Gott hiemit die Posounen wider sie angestim-
met haben / Versehen sie es / das er die Posau-
nen auffbleset / vnd in die Drummel stosset /
So

f

So wird Bapst/Teuffel sampt irem anhang
vber einen hauffen liegē in abgrund der Wel-
len. Laßt vns alle Bussē thun/Gott fürchten
vnd trawen/So sind wir hie vnd dort selig.
Dem selben trewen gnedigen Gott sey Lob
vnd danck/Ehre vnd Ruhm / durch seinen
lieben Son / mit Gott dem heiligen
Geist / in ewigkeit/
Amen.

Klage vnd Bitte / zu
Gott / wider die altē
der alten Schlangen / Religio-
on vnd ihre Schutz-
herrn.

Psalm. Lxiii.

Höre Gott meine stim in meiner Klage/
Behüte mein leben fur dem grausamen
Feinde.
Verbirge mich fur der samlung der Bö-
sen / fur dem hauffen der Ubeltheter.
Welch

Welche ire Zungen scherffen wie ein
Schwert / Die mit iren giftigen Worten zie-
len / wie mit Pfeilen.

Das sie heimlich schiessen den Fro-
men / Plötzlich schiessen sie auff in / on alle
schew.

Sie sind kune mit iren bösen Anschles-
gen / Vnd sagen / wie sie stricke legen wollen /
Vnd sprechen / Wer kan sie sehen ?

Sie ertichten Schalckheit vnnnd halten
heimlich / Sind verschlagen vnd haben ges-
schwinde Kencke.

Aber Gott wird sie plötzlich schiessen /
Das inen wehe wird.

Ir eigen Zungen wird sie fellen / Das
ir spotten wird wer sie sibet.

Vnd alle Menschen die es sehen / wer-
den sagen / Das hat Gott gethan / vnd merck-
ken / das sein Werck sey.

Die Gerechten werden sich des **DEI**
REI freuen / vnd auff in trawen / Vnd alle
Fromen hertzen werden sich des rümen.

F **ii** Lob vnd

Lob vnd danck / Das
Gott solch Gebet er
horet / vnd sein nery / das ist /
das wort Christi / geeb /
rethet.

Psalm. Lxxvi.

Gott ist in Juda bekand / In Israel ist
sein Name herrlig.

Zu Salem ist sein Gezelt / Vnd
seine Wohnung zu Zion.

Dasselbs zubricht er die Pfeil des bogens
Schild / Schwert vnd Streit / Sela.

Du bist herrlicher vnd mechtiger / Denn
die Raubeberge.

Die Stoltzen müssen beraubt werden /
vnd entschlaffen / Vnd alle Krieger müssen
die hand lassen sincken.

Von deinem schelten Gott Jacob / Sin-
cket in Schlaff beide Ross vnd Wagen.

Du bist erschrecklich / Wer kan fur dir ste-
hen / wenn du zürnest ?

Wenn

Wenn du das vrteil leffest hören von Hi-
mel / So erschrickt das Erdreich vnd wird
stille.

Wenn Gott sich auff macht zu richten /
Das er helffe allen elenden auff Erden / Se-
la.

Wenn Menschen wider dich wüten / so
legestn ehre ein / Vnd wenn sie noch mehr
wüten bistu auch noch gerüst.

Gelobet vnd haltet dem **HEHREN** / ew-
rem Gott / alle die jr vmb in her seid / Bringet
Geschencke dem Schrecklichen.

Der den fürsten den mut nimpt / Vnd
schrecklich ist vnter den Königen auff erden.

Schlaffen.

Schlaffen heist hie / so man zu selbe sagt /
verzagen / feig werden / erschrecken . Als
wenn der Man feig wird / so zittern die
hende / die beine beben / der kopff hanget / das er
weder Spies noch Schwert halten kan / viel we-
niger streiten oder sich weren / lefft in sich stechen
vnd hawen / wie in einem Klotz. Er ist nicht
tod / vnd lebt auch nicht / Sondern wie ein Schla-
ffender / kan er nichts thun / kan auch wol offte nit
fliehen / Denn er ist erstarrt. Solcher Krie-
ger ist Gott / der das hertz wegnimpt / so ist der
Man dahin / Wie er mit Pharao / Sanherib /
Benhadad vnd vielen mehr gethan hat. Also ist es
itzt auch gangen / auff das man lerne Gott fürch-

S ij ten

ten/als mit dem nicht gut kriegen ist/ Er leßt dir
Spies/schwert/buchsen vnd harnisch / Aber das
hertz nimpt er weg / So sincket hand vnd spies/
Ros vnd man in solchen schlaff/wie hie der Psal.
singer.

Nimpt den mut.

Das Ebreisch leste sich hie nicht Deutsch re-
den/Latine wolt ichs geben/ Vindemiat fe-
rociam Principum/ Ich mus ein wenig/ die
gedanken des Propheten bilden / so kan mans
verstehen. Die Schrift heisst ein Land oder
Volck Weinberg/wie Isa. v. Jere. ij. wie Matth.
xxi. Christus auch zeigt. Weinleser heisst hie die
Feinde so den Weinberg lesen / das ist die Lande
plündern vnd rauben. Obadja. j. Joel. j. Psal. lxxx.
Als izt hat der Commissarius der alten Religion
(wie sie es nennē) des Teuffels vnd Bapsts heer
fürer gedacht/Er wult den Kurfürsten/ H. Mo-
rizen vnd Landgrauen die Weinberg lesen/ Da
weren im die Stete in Döringen / Meissen/ Hes-
sen/ Naumburg/ Zeitz etc. köstliche Weinstöck
vnd Reben gewest/hette v ol gute Drauben kün-
nen schneiden/ vnd im einen reichen Herbst ma-
chen. Da wider hat Gott im Rhat der Wechter
gesagt (Sein Wort vnd Ehre zu schützen) Harr/
wiltu Weinlesen/ So wil ich zuvor komen/ Vnd
dir den Mut lesen/ vnd solche Weinerndte aus
dir machen / Das deinem Mut nicht eine Drau-
ben/Beer noch Blat vberbleiben / Sondern Hi-
mel vnd Erden zu enge werden sollen. Das heisst
Ebreisch Bazar ruah/den Mut lesen. Welchs
wir haben

wir haben müssen Deutschen / den Mut nemen/
weil / den Mut lesen / bey dem Deutschen man nit
lauret. Aber spöttlich ist's geredt wider die Raus-
beberge / die da nicht dencken / das / wenn sie also
Wein lesen vnd plündern wollen / Gott iren stol-
zen Mut zuvor lesen vnd plündern könne. Solch
spotten kan der glaube an Christum von anfang
vnd immer fort thun / Johan. viii. Wer an mich
glaubet / der wirt die Werck thun / die ich thu etc.

Gedruckt in der Kurfürstli-
chen Stadt Wittenberg
durch Joseph
Klug.

Anno. M. D. XLVI.

Handwritten text, likely bleed-through from the reverse side of the page. The text is mirrored and difficult to decipher due to its orientation and fading.

Erkenntnis in der Kunst
des Goldes
R. 10.
Anno. D. XLVI.



Jon. Vg 2203 ^{ca} = =

(X2206302)

No 189 o.

Ac 189 o


An Kurfürsten zu
Sachsen vnd Land-
grauen zu Hessen/
D. Mart. Luther von
dem gefangen H. zu
Brunswig.

Sampt den Lxiii.
vnd Lxxvi Psalmen / en
de hin an gesetzte.

Wittenberg.

